



ТОГТВОРТОЙ ХӨГЖЛИЙН **ТАЙЛАН** 2021

Хүчтэй. Хамтдаа.

АГУУЛГА

Гүйцэтгэх захирлын илгээлт	2
Тогтвортой, ногоон хөгжлийн үзэл баримтлал	3
Хүний нөөцийн бодлого	4
Бүтээгдэхүүн, үйлчилгээний бодлого, байгаль орчинд үзүүлэх нөлөөлөл ба ядуурлыг устгахад оруулж буй хувь нэмэр	6
Нийлүүлэлтийн гинжин хэлхээний санхүүжилт “GOOD” Платформ	14
Хэрэгжүүлсэн төсөл хөтөлбөрүүд	17
No one left behind. Together” төсөл	18
“Илгээлтийн Эзэд-Санхүүгийн Боловсрол түгээх” төсөл	19
Ардын Брокер	22
Ард Санхүүгийн Боловсрол НҮТББ	23
Хөгжлийн төлөөх түншлэл	25
Цаашдын Алсын Хараа	27

Хүчтэй. Хамтдаа.

ГҮЙЦЭТГЭХ ЗАХИРЛЫН ИЛГЭЭЛТ

Салбарын хөгжлийг түүчээлэх Алсын хараатай, Хамтдаа Хуваалцах, Хүлээнтээс давж үйлчлэх, Тогтвортой хөгжих, Хүртээмжтэй тэгш оролцоог бүрдүүлэх, Ёс зүйтэй байх үнэт зүйлс бүхий Ард Кредит ББСБ ХК нь үүсгэн байгуулагдсан цагасаа хойш Хөрөнгө Оруулагч Үндэстэнг цогцлоох, ядуурлыг бууруулах, эдийн засгийн өсөлтийг дэмжих, нийт харилцагчдынхаа санхүүгийн боловсролыг тасралтгүй сайжруулах, бүтээгдэхүүн, үйлчилгээний хүртээмжийг нэмэгдүүлэх, зохистой ажлын байр бий болгох, тэгш бус байдлыг бууруулах зэрэгт онцгойлон анхаарч, байгаль орчинд зэлтэйгээр үйл ажиллагаа явуулахыг эрхэмлэн ажиллаж ирлээ.

Монгол инженерүүдийн оюуны сод бүтээл болох Ард Аппыг бид 2018 онд санхүүгийн супермаркет концепцийгоор зах зээлд албан ёсоор нэвтрүүлснээр бүтээгдэхүүн, үйлчилгээнийхээ хүртээмжийг нэмэгдүүлээд зогсохгүй улсынхаа санхүүгийн салбарт инновацлаг бөгөөд томоохон тэсрэлт хийж чадсан.

Шинэлэг, инноваци шингэсэн онлайн бүтээгдэхүүнүүдээрээ санхүүгийн салбartaа манлайлан ажилладаг бидний бас нэгэн шинэ санаачилга бол 3 жилийн судалгаа, шинжилгээнд үндэслэж хүүхдэд тусгайлан зориулж зах зээлд нэвтрүүлсэн АрдКидс Апп юм.

Бидний ирээдүй болсон хүүхдийн санхүүгийн боловсролыг багаас нь дэмжих, хөрөнгө оруулагч сэтгэлгээтэй болгож төлөвшүүлэх замаар ядууралтай тэмцэх, санхүүгийн үйлчилгээний хүртээмжийг нэмэгдүүлэхэд АрдКидс Апп нь Монгол улсад санхүүгийн өөр ямар ч байгууллага хийгээгүй цоо шинэ алхам болсон билээ.

Ингээд та бүхэнд Монгол улсдаа хамгийн их буюу 13 мянган хувьцаа эзэмшигчтэй, улсын нийт хүн амын гуравны нэг буюу 1 сая гаруй харилцагчтай, Салбарын хөгжлийг түүчээлэн ажиллах Алсын хараатай Ард Кредит ББСБ ХК НҮБ-ийн Тогтвортой хөгжлийн зорилго болон Монгол Улсын Тогтвортой санхжүүжилт (ToC) хөтөлбөрийн зарчмуудыг, мөн өөрсдийн санаачилгаараа ногоон хөгжил, тогтвортой хөгжлийг хэрхэн дэмжиж, хэрэгжүүлж ажилладаг талаарх тайлангаа танилцуулж байна.

**Гүйцэтгэх захирал
Г.Тэлмэн**

Хүчтэй. Хамтдаа.



ТОГТВОРТОЙ НОГООН ХӨГЖЛИЙН ҮЗЭЛ БАРИМТЛАЛ

Ард Кредит нь Монголын Хөрөнгийн Биржийн I ангилалд бүртгэлтэй, ТОП 20 индекст багтдаг, хамгийн олон хувьцаа эзэмшигчтэй ББСБ-ын хувьд бизнесийн бүхий л оролцогч талуудын урт хугацааны үнэ цэнийг өсгөх, тогтвортой хөгжлийн зорилтуудыг хэрэгжүүлэхэд зорин ажилладаг билээ.

Компани 2020 онд Эрхэм зорилго, Алсын Хараа, Үнэт зүйлсээ өөрчлөн шинэчилж "Бид нийгэм, эдийн засаг, хүрээлэн буй орчны тогтвортой хөгжлийн зорилтуудыг үйл ажиллагаандaa нэвтрүүлэгч, улс орон, даян дэлхийн сайн сайхан байдлыг цогцлооход хувь нэмрээ оруулагч нийгмийн хариуцлагатай компани байна" гэж Төлөөлөн Удирдах Зөвлөлийн хамт тодорхойлж тунхагласан байдаг.

Дээрх үзэл баримтлал нь үүсгэн байгуулагдсан цагаасаа хойш "Салбаргүй үйлчилгээ"-ний бодлого хэрэгжүүлж, Монгол улсын өнцөг булан бурд төдийгүй дэлхийн олон улс оронд ажиллаж, амьдарч буй 1 сая гаруй харилцагчдадаа Ард Аппаар дамжуулан бүтээгдэхүүн, үйлчилгээгээ 24/7 цагийн горимоор тасралтгүй, найдвартай, хүртээмжтэй үзүүлж ирсэн бидний олон жилийн дадлага, туршлага, бизнесийн хандлагатай холбоотой юм.

Манай харилцагчид цаг хугацаа, орон зайн хязгаарлалтаас үл хамааран хүссэн бүтээгдэхүүн, үйлчилгээгээ онлайн орчинд авснаар замын түгжрэлд цаг хугацаа зарцуулж, бензин зарлагадан хүлэмжийн хий ялгаруулж, бичиг баримт бурдуулж санхүү, цаг хугацаагаа үрэх шаардлагагүй байдаг тул бид үйлчилгээ үзүүлэгч байгууллагын хувьд тог, цахилгаан, ус, цаас зэрэг гарч болох үйл ажиллагааны урсгал зардлуудыг их хэмжээгээр хэмнэснээр бүтээгдэхүүн, үйлчилгээнийхээ өргтийг бууруулж, санхүүгийн үйлчилгээнийхээ хүртээмжийг нэмэгдүүлсээр байдаг. Ингэснээр бид үйл ажиллагаагаа хүрээлэн буй орчинд хор хөнөөлгүй, тогтвортой явуулах боломжтой болдог.



Хүчтэй. Хамтдаа.

Өнгөрсөн хоёр жилд дэлхий нийтийг хамарсан цар тахлын үед Монгол орон даяар хөл хорионд үе шаттай шилжиж байх үед Ард Кредит нь зээлийн үйлчилгээгээ 100 хувь зайнаас тасралтгүй үзүүлж ажилласны зэрэгцээ Улсын Онцгой Коммист Ковид 19-ын эсрэг арга хэмжээг өргөн хүрээнд зохион байгуулахад дэмжлэг үзүүлж, халдвартын улаан бусэд ажиллаж байсан 100 сувилагчид мөнгөн хандив, тусlamж үзүүлж хамтран ажилласан юм.

Дэлхий дахинаа Ногоон хөгжлийн төлөө эв санаа нэгдэж байгаа энэ цаг үед Монгол Улсын Ерөнхийлөгч Ухнаагийн Хүрэлсүхийн санаачилсан "Тэрбум мод Үндэсний Хөдөлгөөн"-д нэгдэж Ард Санхүүгийн Нэгдлийн хэмжээнд 1 сая мод тарих амалт өгч, Ардын төглийг байгуулсан нь уур амьсгалын өөрчлөлтийг сааруулах үйлсэд оруулж буй бидний хувь нэмэр, хандлагын илэрхийлэл юм.


Цаашид бид ногоон хөгжлийн үзэл санааг компанийн дотоод үйл ажиллагаа, хүний нөөц, бүтээгдэхүүн, үйлчилгээ, технологи хөгжүүлэлт гээд бүхий л талбарт харилцан уялдаатайгаар дунд болон урт хугацаанд, стратегийн түвшинд төгөлдөржүүлэн хөгжүүлж манлайлан ажиллахыг зорьж байна.




ХҮНИЙ НӨӨЦИЙН БОДЛОГО

Хүчтэй. Хамтдаа.

Манай компанийн хувьд цар тахлын онцгой цаг үе, Орос-Украины дайн зэрэг нийгэм, эдийн засгийн хүнд нөхцөлд үндсэн үйлчилгээгээ тасралтгүй үзүүлэхийн зэрэгцээ ажлын байрны орон тоог хадгалж үлдэх, нийт ажилтнууд, харилцагчдаа халдвараас урьдчилан сэргийлэх, зайнас ажиллах горим руу шилжих зэрэг зохицуулалтыг шуурхай хийж ажилласнаас гадна Компанийн Эрхэм зорилго. Алсын Хараа, Үнэт зүйлс, Хөдөлмөрийн Дотоод Журмаа үе шаттай шинэчилж бодлогын өөрчлөлтүүдийг хийсээр ирсэн.



Тухайлбал, Компанийн 5 үнэт зүйлсийн дөрөвдүгээрт: "Бид мэргэжлийн өндөр түвшний чадвартай, тэгш оролцоотой, ёс зүйтэй хамт олон болохын хувьд аливаа ялгаварлан гадуурхалтаас анgid байж, хүн бүрд шударга боломжийг олгож, ажилтан бүрийнхээ үзэл бодол, мэдлэг оюун, оролцоог дээдлэгч компани байна" гэж тодорхойлж томъёолсон байдаг.



Түүнчлэн, ажлын байранд сонгон шалгаруулалт хийхдээ хүний эрхийн мэдрэмжтэй байх, ялгаварлан гадуурхалтаас анgid байх, бага насны, хөхүүл хүүхэдтэй, өрх толгойлсон ээжүүдийг уян хатан ажлын цагаар ажиллуулах, бие давхар эмэгтэйчүүдийг ажлын байранд тусгай нөхцөлөөр ажиллуулах зэрэг өөрчлөлтүүд нь хүний нөөцийн бодлогод тусгалаа олж бодит ажил хэрэг болсон билээ.



Дээрх өөрчлөлт, шинэчлэлтүүдийн хажуугаар Ард Кредит нь ажиллагсдадаа өөрийн болон бусад компанийн хувьцаа, виртуал хөрөнгийг урт хугацаанд эзэмшүүлэх, Ард Санхүүгийн Нэгдлийн нийт ажилчдын Хөрөнгө Оруулалтын Сан болох И Ай Ти ХХК-д хувь эзэмшүүлэх, Тэтгэврийн хуримтлал нээлгэж сар бүр хуримтлалаа өсгөх, эрүүл мэнд, гэнэтийн ослын даатгалд жил бүр хамруулах зэрэг дан ганц ажилчид төдийгүй тэдгээрийн гэр бүл, үр хүүхдүүдийнх нь ирээдүйн сайн, сайхан байдалд нь тасралтгүй хөрөнгө оруулалт хийж ажилласаар байна.



Эдгээр бодлогыг баримтлан Ард Кредит нь 2022 оны II улирлын байдлаар нийт 35 үндсэн ажилтантайгаар үйл ажиллагаа явуулж байгаа бөгөөд тэдгээрийн 60 хувь нь эмэгтэй, 40 хувь нь эрэгтэй ажилтан байна. Бид онлайн бүтээгдэхүүн, үйлчилгээнд сууринсан үйл ажиллагаа явуулах бодлогын хүрээнд цомхон бөгөөд чадварлаг баг бүрэлдэхүүнтэйгээр ажиллахыг зорьдог бөгөөд Стратегийн түнш болох Монгол Шуудан ХК-ийн салбарууд, орон даяар ажиллаж буй 400 гаруй ажиллагсад. 1,000 орчим малын эмч нар болон бидний тусгайлан сургаж бэлтгэсэн Ардын Брокеруудаар (тэдгээрийн ихэнх нь эмэгтэйчүүд) дамжуулан зайлшгүй салбараар дамжих шаардлагатай үйл ажиллагааг харилцагчдадаа түргэн шуурхай үзүүлж байна. Бид эдгээр ажилчдад өөрсдийн үндсэн ажлын хажуугаар манай захиалгат ажлыг хийж гүйцэтгэн нэмэлт орлоготой болж санхүүгийн асуудлаа шийдэхэд нь дэмжлэг үзүүлэн ажилладаг онцлогтой.

8 зохицой хөдөлмөр ба эдийн засгийн есөлтийг дэмжих



13 уур амьсгалын өөрчлөлтийн үр нелөөг багасгах




1 ядуурлыг устгах



5 жендерийн эрх тэгш байдлыг хангах



БҮТЭЭГДЭХҮҮН, ҮЙЛЧИЛГЭЭНИЙ БОДЛОГО, БАЙГАЛЬ ОРЧИНД ҮЗҮҮЛЭХ НӨЛӨӨЛӨЛ БА ЯДУУРЛЫГ БУУРУУЛАХАД ОРУУЛЖ БУЙ ХУВЬ НЭМЭР



Ард Кредит ББСБ ХК нь ногоон хөгжил, цахим шилжилтийг дэмжих зорилгоор Ард Аппыг зах зээлд нэвтрүүлснээс хойш бүтээгдэхүүн, үйлчилгээний хүртээмж, төрөлжилтийг нэмэгдүүлэхэд технологийн дэвшлийг ашиглаж ирсэн. Мөн зээлийн хүсэлтүүдийг судлахдаа хүний эрүүл мэнд, байгаль орчин, нийгэмд сөргөөр нелөөлж болзошгүй бизнесүүдэд санхүүжилт олгохоос татгалзаж ирсэн нь Компанийн үнэт зүйл болох "Тогтвортой хөгжих", хүрээлэн буй орчиндоо эерэг нелөөлөл үзүүлэх, үнэ цэн бүтээхэд онцгойлон анхаарч ажиллаж буй бидний хандлага, бизнесийн ёс зүй юм.

Хүчтэй. Хамтдаа.

АРД АПП




Бид санхүүгийн бүхий л төрлийн үйлчилгээг Ард Аппаар дамжуулан 24/7 горимоор үзүүлснээр эрчим хүч, ус, цаасны хэрэглээ, хүлэмжийн хийн ялгарлыг үлэмж хэмжээгээр бууруулж уур амьсгалын өөрчлөлттэй тэмцэж, ядуурлыг устгахад хувь нэмрээ оруулан ажилласаар ирлээ.


Хүчтэй. Хамтдаа.

АРД АППЫН НИЙГЭМ, ЭДИЙН ЗАСАГТ ҮЗҮҮЛСЭН НӨЛӨӨЛӨЛ /2022 ОНЫ ЭХНИЙ ХАГАС ЖИЛИЙН БАЙДЛААР/

НАСНЫ АНГИЛАЛ




ХҮЙСИЙН ХАРЬЦАА



НИЙТ 1,006,234

Хүчтэй. Хамтдаа.

ХАРИЛЦАГЧИЙН ГАЗАР ЗҮЙН БАЙРШИЛ



Хүчтэй. Хамтдаа.

БАЙГАЛЬ ОРЧИНД ҮЗҮҮЛСЭН НӨЛӨӨЛӨЛ /2022 ОНЫ ЭХНИЙ ХАГАС ЖИЛИЙН БАЙДЛААР/



Нэг зээлдэгчид олгосон зээлийн дундаж хэмжээ:

₮782,531



Цахим зээлийн үйлчилгээтэй холбоотой цаас хэмнэлт:

16.2 тонн



Мод хэмнэлт:

5,929 ширхэг



Салбаргүй бодлого хэрэгжүүлснээрх хэмнэлт:

Эрчим хүчний хэмнэлт:

Жилд 1,080,000 кВт



Цаг хугацааны хэмнэлт:

52 жил буюу 455,520 цаг



АРДКИДС



Хөрөнгө Оруулагч Үндэстэнг цогцлоох зорилготой Ард Санхүүгийн Нэгдэл ХК, Ард Кредит ББСБ ХК хамтран өнгөрөгч 2021 онд хүүхдийн санхүүгийн хэрэгцээнд тусгайлан зориулж Монгол улсад анхны бөгөөд одоогоор цорын ганц АрдКидс Аппыг нэвтрүүлсэн билээ.



Stronger. Together.

АрдКидс Аппыг ашигласнаар хүүхэд бүр санхүүгийн боловсролыг багаасаа системтэй зөв эзэмшиж, хөрөнгө оруулагч сэтгэхүйтэй болж, санхүүгийн бүтээгдэхүүн, үйлчилгээг авч сурснаар насанд хүрсэн хойноо ядууралд өртөх эрсдэлийг бууруулахад чухал нөлөөтэй гэж бид үзэж уг санаачилгыг манлайлан хэрэгжүүлсэн билээ.


АрдКидс Аппын харилцагч хүүхдүүд өдөр тутмын төлбөр тооцоо хийх, нэгж авах, кино билет захиалах зэрэг гүйлгээг бие даан хийж, хувьцаа, хадгаламж, АрдКойн зэрэг өөрийн хөрөнгүүдээ хянаж, өөртөө хадгаламж нээж, хадгаламждаа орлого нэмж, зөвхөн хүүхдэд зориулсан онлайн дэлгүүрээр үйлчлүүлж, АрдКидс Аппад найзаа урьж, Аппаа ашиглах бүртээ урамшууллын АрдКойноо цуглуулахаас гадна бусад хамтрагч байгууллагуудын олон төрлийн хөнгөлөлт, урамшууллыг хүртэж ирээдүйдээ итгэл төгс өсөн торниж байна.

АрдКидс Аппыг 2021 оны 10 сард анх хэрэглээнд нэвтрүүлснээс хойш 33,000 харилцагчтай болж технологийн шинэчлэлт, хөгжүүлэлт тасралтгүй хийгдсэнээр хүүхдийн санхүүгийн хэрэгцээнд цогц нийцсэн аппликашн болж, өдгөө дэлхийн олон улс орноос хүүхдүүд бүртгүүлэн ашиглах боломжтой болоод байна.

АрдКидс Аппаар дамжуулан бид ирээдүйн санхүүгийн боловсролтой иргэдийг бэлтгэхээс гадна хүүхдийг эцэг эхийн хамт манай компанийн харилцагч болгох, улмаар санхүүгийн хүртээмжийг улсын хэмжээнд нэмэгдүүлэхэд чухал үүрэгтэй хэмээн харж ажиллаж байна.

Бүртгэлтэй хэрэглэгчид
+33,000

Хүчтэй. Хамтдаа.



АРДКОЙН

Ард Санхүүгийн Нэгдэл болон түүний охин, хараат компаниуд нь нийт харилцагчдадаа Ардын бүтээгдэхүүн, үйлчилгээг авч үнэнч хэрэглэгч байсны төлөө АрдКойн хэмээх блокчэйнд суурилсан урамшууллын оноог олгож давхар хөрөнгө оруулалт хийх боломж олгодог өвөрмөц соёлын онцлогтой.

АрдКойн нь манай технологийн багийн 5 жилийн судалгаа тооцоолол, бизнесийн ноу-хау, инноваци, уйгагүй хөдөлмөрийн үр шимээр мэндэлсэн сод бүтээл төдийгүй нийт Монголчуудад виртуал хөрөнгийн талаарх ойлголт, мэдлэгийг анхлан өгч чадсанаараа дан ганц банк, санхүүгийн салбарт бус нийгэм, эдийн засгийн амьдралд жинхэнэ утгаар нь түйвээлт хийж, зерэг өөрчлөлт авчирснаараа түүхэнд тодор бичигдэн үлдсэн.

Ард Кредит 2021 онд урамшууллын оноогоо барьцаалан зээл авах бүтээгдэхүүнийг танилцуулснаар үнэнч харилцагчдадаа санхүүгийн асуудлаа таатай нөхцөлөөр шийдэх бүрэн боломжийг олгосон.

НИЙГЭМД ЯМАР НӨЛӨӨЛӨЛ ҮЗҮҮЛСЭН БЭ?

1.1 сая хүн АрдКойныг урамшууллаар авч виртуал хөрөнгийн талаар анх удаа мэддэг болсон

3.0 тэрбум ширхэг АрдКойныг 2022 оны хагас жилийн байдлаар 550 мянган хүн эзэмшиж байна

113.8 мянган харилцагч ирээдүйдээ хөрөнгө оруулалт хийж АрдКойноор тэтгэврийн хуримтлалтай болсон

8,399 харилцагчид 5.2 тэрбум төгрөгийн виртуал хөрөнгө барьцаалсан зээл олгосон

1,895 харилцагч урамшууллаар цуглуулсан АрдКойноороо зээлээ эргэн төлсөн



НИЙЛҮҮЛЭЛТИЙН ГИНЖИН ХЭЛХЭЭНИЙ САНХҮҮЖИЛТ ("GOOD" ПЛАТФОРМ)



good
platform



good



good
platform

Нийлүүлэлтийн гинжин хэлхээний GOOD платформыг бид 2021 оны сүүлчээс СКОП Аллианс ХХК-тай хамтран хэрэгжүүлж, түүхий эдийн ханган нийлүүлэгчид, үйлдвэрлэгчид, мерчантууд, санхүүгийн байгууллагуудыг нэг талбарт холбож хамтын ажиллагааг бэхжүүлснээр эцсийн хэрэглэгчид үнэ багатай бүтээгдэхүүнийг нийлүүлэн, гинжин хэлхээнд оролцож буй бүх талуудад харилцан ашигтай схемийг бүрдүүлэн ажиллаж байна.

Хүчтэй. Хамтдаа.



Тус платформыг нэвтрүүлэхдээ рапсын ургамлыг сонгон авч эцсийн бүтээгдэхүүн хүртэлх бүх шатанд хүүгийн хөнгөлөлттэй нөхцөлтэй, барьцаагүй санхүүжилт олгосноор тариаланчид хар рапсыг хөнгөлөлттэйнээр үйлдвэрлэгчид нийлүүлж, үйлдвэрлэгч нь рапсаас стратегийн бүтээгдэхүүн болох ургамлын тос, малын тэжээл гэсэн 2 бүтээгдэхүүнийг үйлдвэрлэн бэлтгэж, улс орон даяар Монгол Шуудан ХК-ийн Шуудангийн үйлчилгээний газрууд хийгээд малын эмч нарын тусламжтайгаар худалдаалах боломжийг буй болгоод байна.

Түүнчлэн, рапсын ургамлын тосыг дан ганц дотоодын зах зээлд нийлүүлэхээс гадна гадаадад экспортолж эхлээд байна.

Дэлхий дахинаа түүхий эдийн нийлүүлэлтийн хямралтай нүүр тулсан энэ үед GOOD Платформыг зах зээлд нэвтрүүлсэн нь цаг үеийн сорилтыг даван туулах зоримог алхам байсан төдийгүй дотоод, гадаадын зах зээлд бүтээгдэхүүний нийлүүлэлтийн урсгал тасалдах, түүхий эд, бараа бүтээгдэхүүний хомсдол бий болох, үнэ, өртөг нэмэгдэх, бизнесийн орлого хумигдах, барааны эргэлт муудах олон асуудлуудыг шийдвэрлэхэд томоохон нөлөөлөл үзүүлсэн нь харагдаж байна.

Газар тариалангийн
салбарт олгосон
санхүүжилт
(Хар рапсын үр):

₮17.0 тэрбум



Экспортод гаргасан
ургамлын тосны
хэмжээ:

408.00 тн




Бүртгэлтэй
мерчант:
1,234 Үүнээс
УБ: 462
Орон нутаг: 772



Зээл олголтын
хүртээмж:
11 аймаг, 72 сум,
142 малчин, 192
мерчант



Малын тэжээлийн
зээл олголтын дун:
₮ 181.5 сая



ХЭРЭГЖҮҮЛСЭН ТӨСӨЛ ХӨТӨЛБӨРҮҮД

"NO ONE LEFT BEHIND. TOGETHER" ТӨСӨЛ

Дэлхий дахинд цахим шилжилт, цахим хөдөлгөөн эрчимжиж байгаа энэ цаг үед Ард Аппаар дамжуулан санхүүгийн цогц үйлчилгээг авах боломжтой харилцагчдын тоо өдрөөс өдөрт хурдацтай ёсөж, түүнийгээ дагаад бүтээгдэхүүн, үйлчилгээний талаарх ойлголт, мэдлэг, цаг үеийн мэдээ мэдээллийг олон нийт, тэр дундаа хөгжлийн бэрхшээлтэй иргэдэд хүртээмжтэйгээр хүргэх нь Ард Санхүүгийн Нэгдлийн алсын хараатай салшгүй холбоотой асуудал юм.

Нөгөө талаар НҮБ-ын тогтвортой хөгжлийн 8 болон 10 дугаар зорилго болох "Зохистой хөдөлмөр ба эдийн засгийн өсөлтийг дэмжих", "Тэгш бус байдлыг бууруулах"-ыг дэмжиж Ард Санхүүгийн Нэгдэл ХК хөгжлийн бэрхшээлтэй иргэдэд ажлын байрны тэгш боломж олгох бодлогыг шат ахиulan хэрэгжүүлж эхэлсэн.

Дээрх бодлогыг илүү өргөн далайцтай, үе шаттай хэрэгжүүлэхээр "**NO ONE LEFT BEHIND. TOGETHER**" төслийг Монголын Хараагүйчүүдийн Үндэсний Холбоо, JCI Централ ТББ-тай хамтран хэрэгжүүлснээр дараах үр дүнд хүрсэн билээ.



1 ядуурлыг
устгах



8 зохистой хөдөлмөр
ба эдийн засгийн
өсөлтийг дэмжих



10 тэгш бус
байдлыг
бууруулах

1 Ажлын байрандаа анх удаа хөгжлийн бэрхшээлтэй, тэр дундаа хараагүй болон сул хараатай залуусыг 14 хоногийн хугацаанд дадлагажуулав

2 Дадлагын хөтөлбөрт хамрагдсан залуус болон харааны бэрхшээлтэй залуусыг ажлын байрны нээлттэй сонгон шалгаруулалтад хамруулж, хоёр хүнийг Харилцагчийн үйлчилгээний төвдөө ажиллуулж эхлэв

3 Ажил олгогчид, төрийн бодлого боловсруулагчид зориулсан гарын авлагыг бэлтгэн хүргүүлэв

4 Ард Аппын бүтээгдэхүүн, үйлчилгээний цэсүүд болон вэбсайтуудыг хараагүй болон харааны бэрхшээлтэй хүмүүст зориулж хүртээмжтэй болгож эхлэв

5 Ард Санхүүгийн Нэгдэл ХК болон түүний охин компаниудын 2021 оны хувьцаа эзэмшигчдийн хурлыг анх удаа дохионы хэлмэрчтэйгээр зохион байгуулж, мэдээллийн хүртээмжийг сайжруулж эхлэв

6 Монголын Хараагүйчүүдийн Үндэсний Холбооны гишүүдийн санхүүгийн мэдлэгийг дээшлүүлэх цуврал сургалтуудыг Ард Академи зохион байгуулав

7 Нийгэм, олон нийт, ажил олгогчийн хандлагыг өөрчлөх видео контентыг Urug.mn сайттай хамтран бэлтгэн олон нийтэд түгээв

8 Ард Санхүүгийн Нэгдлийн ажиллагсдыг хөгжлийн бэрхшээлийн талаар ойлголт, мэдлэгийг сайжруулах онол, арга зүйн сургалтуудад хамруулав



ИЛГЭЭЛТИЙН ЭЗЭД-САНХҮҮГИЙН БОЛОВСРОЛ ТҮГЭЭХ ТӨСӨЛ

Улсын хөгжлийн түүчээ болсон оюутан залуус зуныхаа амралтаар "Ардын илгээлтээр" эх орныхоо өнцөг булан бүрт очиж цалинтай дадлага хийнгээ залуу насандaa хэзээ ч мартагдахааргүй ер бусын, сонирхолтой дурсамж үлдээх аялал бол Ард Санхүүгийн Нэгдэл ХК, түүний охин компаниудын санаачлан Монгол Шуудан ХК-тай хамтран хэрэгжүүлсэн "Илгээлтийн Эзэд-Санхүүгийн боловсрол түгээх төсөл" юм.

ОЮУТАН ЗАЛУУСТ ҮЗҮҮЛСЭН НӨЛӨӨЛӨЛ:

- Ард Санхүүгийн Нэгдлээс 418 оюутанг санхүүгийн болон хувь хүний хөгжлийн сургалтанд хамруулсан
- Ань удаа улс орон даяар оюутнууд цалинтай дадлага хийх боломжтой болсон
- Илгээлтийн Бүс нутгийнхаа хөгжилд хувь нэмэр оруулах төслийн саналууд гаргасан
- Орон нутгийн соёлын ондоошил, ахуй амьдралтай биеэр танилцсан
- Найз нөхдийн хүрээгээ тэлсэн
- Ардын компаниудад ажиллах боломжоор хангагдсан



Хүчтэй. Хамтдаа.



НИЙГЭМД ҮЗҮҮЛСЭН НӨЛӨӨЛӨЛ:

- Санхүүгийн боловсрол түгээсэн газар зүйн тархалт: **21** аймаг, **330** сум
- Санхүүгийн боловсрол олгосон харилцагчийн тоо: **29,952**
- Зээл олголт **21** аймагт анх удаа хийгдсэн
- Монгол улсын хүүхэд бүрт хөрөнгө оруулалт хийх “Хүүхэд бүрт **77 АрдКойн**” хөтөлбөрт орон нутгийн, алслагдмал иргэдийн хүүхдүүдийг хамруулж урамшуулав
- Монгол Шуудан ХК, Ард Даатгал ХК-ийн хамтын ажиллагаа өргөжсөн

Хүчтэй. Хамтдаа.

АРДЫН БРОКЕР

Ард Санхүүгийн Нэгдэл болон түүний охин компаниуд нь Монгол хүн бүрийг ирээдүйнхээ эзэн байж, сайн сайхан амьдралаа цогцлоон бүтээхэд Хөрөнгө Оруулагч Үндэстэн Хөдөлгөөнийг улс орон даяар өрнүүлэн өнөөдрийг хүртэл энэхүү үйл хэрэгтээ үнэнчээр зүтгэж байна.

Ардын Брокерууд нь Ард Санхүүгийн Нэгдлийн ажилтан, харилцагч, хөрөнгө оруулагч байдаг бөгөөд тусгай сургалт хөгжлийн хөтөлбөрт хамрагдсанаар Хүн бүр “Хөрөнгө Оруулагч Үндэстэн” хөдөлгөөнд нэгдэхэд Ардыг Ардтай холбож, Монгол Улсын ирээдүйн хөрөнгө, санхүүгийн салбарын хөгжилд үнэт хувь нэмэр оруулан ажиллаж байна.

Өдрөөс өдөрт хүрээгээ тэлэх Ардын Брокерууд 2022 оны эхний хагас жилийн байдаар Нийслэл Улаанбаатар хот төдийгүй Монгол улсын өнцөг булан бүрд Ард иргэдэд санхүүгийн боловсрол түгээж, хөрөнгө оруулалтын талаар мэдээлэл, зөвлөгөө өгөн ажиллаж байна.

Тэд Хөрөнгө Оруулагч Үндэстэнг цогцлоох үйлст хувь нэмэр оруулах явцдаа санхүүгийн мэдлэг боловсролд тасралтгүй суралцаж, сурсан мэдлэгээ бусдадаа түгээн түүчээлж, төрөл бүрийн урамшуулал хүртэж, ирээдүй аж амьдралынхаа үнэ цэнийг өсгөсөөр байна.



Хүчтэй. Хамтдаа.

АРД САНХҮҮГИЙН БОЛОВСРОЛ НҮТББ



Ард Санхүүгийн Нэгдэл нь Хөрөнгө Оруулагч Үндэстэнг цогцлоох зорилгынхoo хүрээнд иргэд, олон нийтийн санхүүгийн боловсролыг дэмжин Ард Санхүүгийн Боловсрол хэмээх нийгэмдээ үйлчлэх зорилготой ТББ-ыг 2017 онд үүсгэн байгуулсан билээ.

Хүчтэй. Хамтдаа.

Ард Санхүүгийн Боловсрол НҮТББ-ыг бид олон нийтэд Ард Академи нэрээр таниулж тэдгээрийн санхүүгийн боловсролд зориулж оюуны хөрөнгө оруулалтыг тасралтгүй хийсээр ирсэн. Энэхүү тайлан бичигдэх үед давхардсан тоогоор 1,015,004 хүнд Ард Академийн нийтлэл, контентууд цахим орчинд хүрээд байгааг дуулгахад таатай байна.

Нийтлэлийн бодлого:

Санхүүгийн мэдээ, мэдлэгийг нийтэд хүртээмжтэй, товч, тодорхой байдлаар түгээх;

Сургалт, нийтлэл дамжуулдаг сувгууд



Ард Академи нь Хөрөнгө Оруулалт, Хувийн санхүү, Блокчэйн, Humans of Ard, Санхүүгийн мэдлэгийг 5 минутад зэрэг нийтлэлийн булангаараа дамжуулан олон нийтэд санхүүгийн мэдээ, мэдлэгийг цахим орчинд тасралтгүй хүргэсээр ирсэн бөгөөд АрдКидс Апп өнгөрөгч онд зах зээлд нэвтэрснээс хойш “АрдКидс” нийтлэлийн буланг хүүхдийн санхүүгийн боловсролд тусгайлан зориулж хүргэдэг болсон.



Хүчтэй. Хамтдаа.



Нийтлэлийн тоо

298

Видео сургалтын тоо

26

Хэвлэн нийтэлсэн ном

1

Нийт контент

325

Хүнд хүрсэн /давхардаагүй тоогоор/

501,135

ХӨГЖЛИЙН ТӨЛӨӨХ ТҮНШЛЭЛ



Салбарын хөгжлийг түүчээлэх Алсын хараатай Ард Кредит ББСБ ХК нь түүхэн хөгжлийнхөө явцад гадаад, дотоод хамтын ажиллагаагаа тасралтгүй өргөжүүлэн тэлсээр ирлээ.

« CROWD CREDIT

Бид 2019 онд Япон улсын Kraud Кредит сантай хамтран ажиллаж эхэлсэн бөгөөд 2019-2022 оны эхний хагас жилд нийтдээ 12.8 тэрбум төгрөгийн санхүүжилтийг Монгол улсад татан төвлөрүүлж санхүүгийн үйлчилгээний хүртээмжийг нэмэгдүүлэхэд зарцуулаад байна.

Бидний хамтын ажиллагаа:



Хүчтэй. Хамтдаа.

Fast Cash онлайн зээл болон малын тэжээлийн зээлийг Монгол орны 21 аймаг, 330 сумдад хүртээмжтэй олгоход стратегийн түвш “Монгол Шуудан” ХК-тай хамтран ажилладгаас гадна дэлхийн 60 гаруй улсад байршилтай, 500 мянган салбар нэгж бүхий санхүүгийн байгууллагууд, 4 тэрбум хүнийг төлбөр тооцооны дэд бүтцээр холбодог Eurogiro байгууллагын “Санхүүгийн супермаркет” системд амжилттай холбогдох олон улсын мөнгөн гүйвуулгын үйлчилгээг хамтран үзүүлж байна.



Eurogiro байгууллагатай хамтарснаар АНУ, ОХУ, БНСУ, Австрали, Турк, Их Британи зэрэг дэлхийн 60 гаруй оронд суугаа мянга мянган харилцагчид Ria, KoronaPay, Small world, PostalPay зэрэг дэлхийн томоохон мөнгөн гүйвуулгын операторуудын салбараас Монгол улсад суугаа дотнын хүндээ түргэн шуурхай, өртөг багатайгаар мөнгөн гүйвуулга хийх боломжтой болсон юм. Дэлхийн жишигт хүрсэн үйлчилгээний ноу-хауг Монгол улсдаа амжилттай нутагшуулснаар 2022 оны эхний хагас жилд давхардсан тоогоор 585 харилцагч 1.8 тэрбум төгрөгийн гүйлгээ хийж, мөнгөн гүйвуулгын үйлчилгээг авсан байна.



Бидний бас нэгэн томоохон хамтын ажиллагаа бол дэлхий дахинаа сая сая эмэгтэйчүүдэд тулгардаг санхүүгийн асуудлыг хүртээмжтэйгээр шийдвэрлэх, хөдөлмөр эрхлэлтийг дэмжих зорилгоор үйл ажиллагаа явуулдаг Women's World Banking-тай байгуулсан түншлэл юм. Уг хамтын ажиллагааны хүрээнд гишүүн байгууллагын хувьд хандив тусlamж өгөх замаар үйл ажиллагааг нь дэмжиж ажилладгаас гадна 2023 оноос эмэгтэйчүүдэд зориулсан хөнгөлөлттэй бизнесийн зээлийн бүтээгдэхүүнийг гаргаж ажиллахаар зорьж байгаа билээ.



Women's World Banking

Хүчтэй. Хамтдаа.

ЦААШДЫН АЛСЫН ХАРАА



Аж үйлдвэрлэлийн IV хувьсгал даян дэлхийн хөгжлийн үйл явцыг хурдасгаж, илүү сонирхолтой, илүү бүтээлч цоо шинэ амьдралын хэв маяг, ертөнцийг буй болгож буй энэ цаг үед аливаа хүмүүн, бизнесийн байгууллагын зайлшгүй гүйцэлдүүлэх эрхэм үүрэг нь Эх дэлхийгээ хайрлан хамгаалах болоод байна.

Монгол улсын банк, санхүүгийн салбарт тасралтгүй 11 дэх жилдээ үйл ажиллагаа явуулж буй Ард Кредит ББСБ ХК нь улс эх орондоо төдийгүй дэлхийн түвшинд хүртээмжтэй, тэгш оролцоотой, хүний эрхийг дээдэлсэн сайн сайхан ирээдүйг хойч үедээ өвлүүлэн үлдээх үйл хэрэгт хүчин зүтгэсээр байна.

Энэхүү тайлан бичигдэх үед өнөөдрийг хүртэл баримталж ирсэн бизнесийн зарчим, үнэт зүйлс, манлайлан хэрэгжүүлж ирсэн төсөл хөтөлбөрүүд, шинэлэг санаачилгуудаа Тогтвортой хөгжлийн стратеги, зорилго болгон дараагийн шатанд хөгжүүлж эхэлсэндээ бид туйлын их баяртай байна.

Байгаль, эх дэлхийнхээ тунх оршихуй, сайн сайхан байдлын төлөө Хөрөнгө Оруулагч Үндэстэнг хамтдаа цогцлоох хариуцлагатай Их үйлст Ард Кредит таныг уриалан дуудаж байна.

Хүчтэй. Хамтдаа.

2022 он